

楚

寶

楚寶出世間品

明 梁谿高世恭彙編父鑒定

湘潭後學周聖楷輯纂

西岑仁齋黃裳吉叅訂

祖燈

鴻山霧祐

百丈法嗣

潭州鴻山霧祐禪師福州長谿趙氏子年十五出家  
究大小乘教二十三遊江西參百丈丈一見許之入  
室遂居參學之首侍立次丈問誰師曰某甲丈曰汝

撥爐中有火否師撥之曰無火丈躬起深撥得少火  
舉以示之曰汝道無這個藥師由是發悟禮謝陳其  
所解丈曰此乃暫時岐路耳經云欲識佛性義當觀  
時節因緣時節既至如迷忽悟如忘忽憶方省已物  
不從他得故祖師云悟了同未悟無心亦無法祇是  
無虛妄凡聖等心本來心法元自備足汝今既爾善  
自護持次日同百丈入山作務丈曰將得火來麼師  
曰將得來丈曰在甚處師乃拈一枝柴吹兩吹度與  
百丈丈曰如蟲禦木司馬頭陀自湖南來謂丈曰頃

在湖南尋得小山名大瀉。是一千五百人善知識所  
居之處。丈曰。老僧住得否。陀曰。非和尚所居。丈曰。何  
也。陀曰。和尚是骨人。彼是肉山。設居徒不盈千丈。曰。  
吾衆中莫有人住得否。陀曰。待歷觀之時。華林覺爲  
第一座。丈令侍者請至。問曰。此人如何。陀請罄欬一  
聲。行數步。陀曰。不可。丈又令喚師。師時爲典座。陀一  
見乃曰。此正是瀉山主人也。丈是夜召師入室。囑曰。  
吾化緣在此。瀉山勝境。汝當居之。嗣續吾宗。廣度後  
學。時華林聞之曰。某甲忝居上首。典座何得住持。丈

曰若能對宸下得一語出格常與住持卽指淨瓶問曰不得喚作淨瓶汝喚作甚麼林曰不可喚作木楔也丈乃問師師踴倒淨瓶便出去丈笑曰第一座輪却山子也師遂往焉是山峭絕無人煙猿猴爲伍橡栗充食經於七載絕無來者師自念言我本住持爲利益於人旣絕往還自善何濟卽捨菴而欲他往行至山口見虵虎狼豹交橫在路師曰汝等諸獸不用攔吾行路吾果於此山有緣汝等各自散去如無緣卽任汝等所爲言訖皆散去師乃回菴未及一載

賴安上座同數僧從百丈來輔佐於師安曰某與和尚作典座待僧及五百人不論時節卽不造粥便放某甲下自後山下居民稍稍知之率衆共營梵宇連帥李景讓奏號同慶寺相國裴公休嘗咨玄奧繇是天下禪學輻輳焉上堂夫道人心質直無僞無背無面無詐妄心一切時中視聽尋常更無委曲亦不閉眼塞耳但情不附物卽得從上諸聖祇說濁邊過患若無如許多惡覺情見想習之事譬如秋水澄淨無爲澄淨無礙喚他作道人亦名無事人時有

僧問頓悟之人更有修否師曰若真悟得本他自知  
時修與不修是兩頭語如今初心雖從緣得一念頓  
悟自理猶有無始贖刼習氣未能頓淨須教渠淨除  
現業流識卽是修也不可別有法教渠修行趣向從  
聞入理聞理深妙心自圓明不居惑地縱有百千妙  
義抑揚當時此乃得坐披衣自解作活計始得以要  
言之則實際理地不受一塵萬行門中不捨一法若  
也單刀直入則凡聖情盡體露真常理事不二卽如  
佛師問仰山涅槃經四十卷多少是佛說多少是

魔說仰曰總是魔說師曰已後無人奈子何仰曰慧  
寂卽一期之事行履在甚麼處師曰祇貴子眼正不  
說子行履師睡次仰山問訊師便回面向壁仰曰和  
尙何得如此師起曰我適來得一夢你試爲我原看  
仰取一盆水與師洗面少頃香嚴亦來問訊師曰我  
適來得一夢寂子爲我原了汝更與我原看嚴乃點  
一碗茶來師曰二子見解過於鶩子師敷揚宗教凡  
四十餘年達者不可勝數大中七年正月九日盥漱  
敷坐怡然而寂壽八十三臘六十四塔于本山謚大



圓禪師塔曰清淨

聖楷按福州長慶大安禪師號懶安初參百丈間  
學人欲求識佛何者卽是丈曰大似騎牛覓牛安  
曰識得後如何丈曰如人騎牛至家安曰未審始  
終如何保任丈曰如牧牛人執杖視之不令犯人  
苗稼安自茲領旨更不馳求同參初禪師剃屠馮  
山安躬耕助道三十餘年及祐通靈農請接踵在  
持馮山嘗問安汝十二時中當何所務安曰牧牛  
山曰汝作麼生牧安曰一回入草去暮鼻拽將回

山曰子真牧牛也。

仰山慧寂禪師初謁耽源已悟玄旨後參鴻山遂  
升堂與前後執侍十五載嘗臥次夢入彌勒內院  
衆堂中諸位皆足惟第二位空仰遂就座有一尊  
者白槌曰今當第二座說法仰起白槌曰摩訶衍  
法離四句絕百非諦聽諦聽衆皆散去及覺舉似  
鴻鴻曰子已入聖位仰便禮拜又一日有梵僧從  
空而至仰曰近離甚處曰西天仰曰幾時離彼曰  
今蚤仰曰何太遲生曰遊山玩水仰曰神通遊戲

則不無闍黎佛法須還老僧始得曰特來東土禮  
文殊却遇小釋迦遂出梵書貝多葉與仰作禮乘  
空而去自此號小釋迦後住東平稱潯仰宗  
香嚴和尚在百丈會裏性識聰敏參禪不得百丈  
遷化後到潯山山間我聞汝在百丈先師處問一  
答十問十答百此是汝聰明靈利意解識想生死  
根本父母未生時試爲我道一句看香嚴被潯山  
一問直得茫然歸寮將平日看過底文字從頭要  
尋一句可將酬對竟不能得乃自歎曰畫餅不可

充饑。屢上堂頭。乞。馮山說破。山云。我若說似汝。汝已後罵我去。我說底是我底。終不干汝事。香嚴遂將平昔所集文字。以火焚却。曰。此生不學佛法也。且作個長行粥飯僧。免役心神。乃泣辭馮山。直過南陽。覩忠國師遺跡。遂憇止卓菴。一日。芟除草木。因瓦礫擊竹作聲。忽然省悟。遽歸沐浴焚香。遙禮馮山。贊云。和尚大悲恩逾父母。當時若爲我說破。何有今日之事。乃有一頌曰。一擊忘所知。更不假修持。動客揚古路。不隋怕然機。處處無蹤跡。聲色

外威儀諸方達道者咸言上上機。鴻山問得曰。此子澈也。仰山侍立次云。此是心機意識著述得成。待慧寂親自勘過。仰山後見香巖曰。和尚贊歎師云。發明大事。你試說看。巖乃舉前頌。仰山此是風習記持而成。若有正悟。發明別更說看。巖又成頌云。去年貧。未是貧。今年貧。始是貧。去年貧。猶有卓錫之地。今年貧。錫也無。仰云。如來禪許師兄會祖師。禪未夢見在。巖復有一頌云。我有一機。瞬目視伊。若人不會。別喚沙彌。仰山乃報鴻山云。且喜。香

嚴師兄會祖師禪也。

聖楷曰語云事怕有心人。香嚴在潯山參禪不得。遂焚寮所集文字泣辭而去。是何等慚憤。何等勇猛。故一聞擊竹聲而悟道。豈偶然哉。如高峯拈一。生做個癡獸。漢定要見這一着。子明白。又如古德云。三昧不成。假令筋斷骨枯。終不休歇。又云。道不過雲。實不復登此山。皆是香嚴一路人。我輩若能辦此一副心。何事不就。乃爾悠悠自口甘爲俗子。可羞亦可痛也。念之疎然。

惟儼

石頭洪嗣

澧州藥山惟儼禪師絳州韓氏子年十七依朝陽西山慧昭禪師出家納戒于衡嶽希操律師博通經論嚴持戒律一日自歎曰大士夫當離法自淨誰能屑屑事細行於布巾耶首造石頭之室便問三乘十二分教某甲粗知嘗聞南方直指人心見性成佛實未明了伏望和尚慈悲指示頭曰恁麼也不得恁麼也不得恁麼總不得子作麼生師罔措頭曰子因緣不在此且往馬大師處去師稟命恭禮馬祖

仍申前問。祖曰：我有時教伊，揚眉瞬目；有時不教伊，揚眉瞬目。有時揚眉瞬目者，是有時揚眉瞬目者，不是子作麼生？師於言下契悟，便禮拜。祖曰：你見甚麼道理？便禮拜。師曰：某甲在石頭處，如蚊子上鐵牛。祖曰：汝既如是，善自護持。侍奉三年，一日祖問子：近日見處作麼生？師曰：皮膚脱落盡，唯有一真實。祖曰：子之所得，可謂協於心體，布於四肢。既然如是，將三條篋束取肚皮，隨處住。山去。師曰：某甲又是何人，敢言住？山祖曰：不然，未有常行而不住，未有常住而不行。



欲益無所益。欲爲無所爲。宜作舟航。無久住。此師乃辭祖。返石頭。一日在石上坐。次石頭問曰。汝在這裏作麼。曰。一物不爲。頭曰。恁麼卽閑坐也。曰。若閑坐卽爲也。頭曰。汝道不爲。不爲箇甚麼。曰。千聖亦不識。頭以偈讚曰。從來共住不知名。任運相將祇麼行。自古上賢猶不識。造次凡流豈可名。後石頭垂語曰。言語動用。沒交涉。師曰。非言語動用。亦沒交涉。頭曰。我這裏鍼劄不入。師曰。我這裏如石上栽華。頭然之後。居澧州藥山。海衆雲會。道吾雲巖侍立。次師指按上枯。

榮二樹問道否曰枯者是榮者是否曰榮者是師曰  
灼然一切處光明燦爛去又問雲巖枯者是榮者是  
巖曰枯者是師曰灼然一切處放教枯淡去高沙彌  
忽至師曰枯者是榮者是彌曰枯者從他枯榮者從  
他榮師顧道否雲巖曰不是不是師久不陞堂院主  
白曰大衆久思和尚示誨師曰打鐘著衆纔集師便  
下座題方丈院主隨後問曰和尚既許爲大衆說法  
爲甚麼一言不措師曰經有經師論有論師爭怪得  
老僧師看經次僧問和尚尋常不許人看經爲甚麼

却自看師曰我祇圖遮眼曰某甲學和尚還得也無  
師曰汝若看牛皮也須穿師一夜登山經行忽雲開  
見月大嘯一聲應澧陽東九十里許居民盡謂東家  
明晨迭相推問直至藥山徒衆曰昨夜和尚山頂大  
嘯朗州刺史李翱贈詩云選得幽居愜野情終年無  
送亦無迎有時直上孤峯頂月下披雲嘯一聲太和  
八年十一月六日臨順世叫曰法堂倒法堂倒衆皆  
持拄撐之師舉手曰子不會我意乃告寂塔于院東  
隅唐文宗謚弘道大師塔曰化城

聖楷按藥山在澧州南九十里山特竦秀以其上  
多芍藥故名李翱刺史嚮藥山玄化屢請不赴乃  
躬謁之山執經卷不顧侍者曰太守在此李性褊  
急乃曰見面不如聞名拂袖便出山曰太守何得  
貴耳賤目李回拱謝問曰如何是道山以手指上  
下曰會麼李曰不會山曰雲在青天水在瓶李忻  
愜作禮而述偈曰鍊得身形似鶴形千株松下雨  
函經我來問道無餘說雲在青天水在瓶李又問  
如何是戒定慧山曰貧道這裏無此閑家具李莫

測玄旨山曰太守欲得保任此事直須向高高山頂立深深海底行閨閣中物捨不得便爲滲漏又按儼師初住藥山時披榛結菴僅庇趺座鄉人知者因齋攜飲饌奔禿而往師曰吾無德于人吾何以勞人哉並辭不受鄉人因跪請日費之具曰米一升足矣自是嘗以山蔬數本佐食一食訖就座轉法華華嚴涅槃經晝夜若一如是者殆三十年嗟乎今人美食安居束經不誦自命高禪何不知慚愧也

長髭曠

石頭法嗣

潭州攸縣長髭曠禪師初往曹谿禮祖塔迴參石頭石頭問什麼處來曰嶺南來石頭曰嶺頭一尊功德成就也未師曰成就久矣只欠點眼在石頭曰莫要點眼麼師曰便請石頭乃翹一足師禮拜石頭曰汝見什麼道理便禮拜師曰據某甲所見如洪鑪上一點雲

慧朗

石頭法嗣

潭州招提寺慧朗禪師，始興曲江人也。初，參馬祖，祖問汝來何求，曰求佛知見。祖曰：佛無知見，知見乃魔耳。汝自何來？曰南嶽來。祖曰：汝從南嶽來，未識曹谿心要。汝速歸，彼不安。他往，師歸石頭，便問：如何是佛？頭曰：汝無佛性。師曰：蠢動含靈，又作麼生？頭曰：蠢動含靈，却有佛性。曰：慧朗爲甚麼却無頭？曰：爲汝不肯承當。師於言下信入。住後，凡學者至，皆曰：去去，汝無佛性，其接機大約如此。時謂大朗。

聖楷按時長沙興國寺有振朗禪師謂之小朗皆  
同時出石頭座下



天皇道悟

右頭法師

荊州天皇道悟禪師。婺州東陽張氏子。年十四。懇求出家。父母不聽。遂損減飲膳。日纔一食。形體羸悴。父母不得已。而許之。二十五詣杭州竹林寺具戒。精修梵行。推爲勇猛。或風雨晷夜。宴坐丘塚。身心安靜。離諸怖畏。一日遊餘杭。首謁徑山國一受心法。服勤五載。後參馬祖。重印前解法。無異說。依止二夏。乃謁石頭。問曰。離却定慧。以何法示人。頭曰。我這裡無奴婢。離個甚麼。曰。如何。明得。頭曰。汝還振得虚空麼。曰。恁

麼則不從今日去也。頭曰：未審汝蜜晚從那邊來？曰：道悟不是那邊人。頭曰：我蜜知汝來處也。曰：師何以賊污於人頭？曰：汝身見在。曰：雖然如是，畢竟如何？示於後人。頭曰：汝道誰是後人？師從此頓悟。罄殫前二哲匠言，下有所得心。後卜荊州當陽紫陵山學徒，駕肩接迹，都人士女嚮風而至。時崇業寺上首以狀聞於連帥，迎入城，觀之。左有天皇寺，乃名藍也。因火而廢。至僧霧鑒，將誅修復，乃曰：苟得悟禪師爲化主，必能福我。乃中宵潛往哀請，肩舁而至。時江陵尹右僕

射裴公稽首問法致禮勤至師素不迎送客至皆坐而揖之裴公愈加飯向由是石頭法道盛矣元和丁亥四月示疾命弟子先期告終至晦日大眾問疾師驀召典座座近前師曰會麼曰不會師拈枕子拋下地上即便告寂壽六十以其年八月五日塔于罷東聖楷按唐丘玄素撰天玉道悟禪師碑云道悟渚宮人姓崔氏初依長沙寺曇翼律師出家後參馬祖得悟祖囑曰汝若住持莫離舊處師蒙旨已便返荆門去郭不遠結草爲廬後爲節度使某所怒

擒師拋置水中旌旗纔歸徧衙火發內外烘燄唯  
聞空中聲曰我是天王神我是天王神節度使乃  
重伸懺悔煙燄頓息宛然如初遂迎師供養於府  
西造寺額號天王師嘗云快活快活及臨終時叫  
苦苦又云閻羅王來取我也院主問曰和尚當時  
被節度使拋向水中神色不動如今何得恁麼地  
師舉枕子云汝道當時是如今是院主無對便入  
滅

雲巖曇晟

藥山法嗣

潭州雲巖曇晟禪師鍾陵建昌王氏子少出家于石門參百丈海禪師二十年因緣不契後造藥山山問甚處來曰百丈來山曰百丈有何言句示徒師曰尋常道我有一句子百味具足山曰鹹則鹹味淡則淡味不鹹不淡是嘗味作麼生是百味具足底句師無對山曰爭奈目前生死何師曰目前無生死山曰在百丈多少時師曰二十年山曰二十年在百丈俗氣也不除他日侍立次山又問百丈更說甚麼法師曰

有時道三句外省去六句內會取山曰三千里外且  
喜沒交涉山又問更說甚麼法師曰有時上堂大衆  
立定以拄杖一時趣散復召大衆衆回首丈曰是甚  
麼山曰何不蚤恁麼道今日因子得見海兄師於言  
下頓省便禮拜一日山曰聞汝解弄師子是否師曰  
是曰弄得幾出師曰弄得六出曰我亦弄得師曰和  
尙弄得幾出曰我弄得一出師曰一卽六六卽一後  
到潯山潯問承聞長老在藥山弄師子是否師曰是  
曰長弄有置時師曰要弄卽弄要置卽置曰置時師

子在甚麼處師曰置也置也住後上堂示衆曰有個  
人家兒子問著無有道不得底洞山出問曰他屋裡  
有多少典籍師曰一字也無曰爭得恁麼多知師曰  
日夜不曾眠曰問一段事還得否師曰道得却不道  
後道客問大悲千手眼那個是正眼師曰如入夜間  
背手摸枕头吾曰我會也師曰作麼生會吾曰遍身  
是手眼師曰道也太煞道祇道得八成吾曰師兄作  
麼生師曰通身是手眼會昌元年辛酉十月二十六  
日示寂茶毗得舍利一千餘粒瘞于石塔謚無住大

師

聖楷按洞山初參潯山舉南陽忠國師無情說法  
話不契潯曰此去澧陵攸縣石室相連有雲巖道  
人若能撥草瞻風必爲子之所重洞曰未審此人  
如何潯曰他曾問老僧學人欲奉師去時如何老  
僧對他道直須絕滲漏始得他道還得不違師旨  
也無老僧道第一不得道老僧在這裡洞遂辭潯  
山徑造雲巖舉前因緣了便問無情說法甚麼人  
得聞巖曰無情得聞洞曰和尚聞否巖曰我若離



汝○卽○不○聞○答○說○法○也○洞○曰○某○甲○爲○甚○麼○不○聞○巖○豎○  
起○拂○子○曰○還○聞○麼○洞○曰○不○聞○巖○曰○我○說○法○汝○尙○不○  
聞○况○無○情○說○法○乎○洞○曰○無○情○說○法○該○何○典○教○巖○曰○  
豈○不○見○彌○陀○經○云○水○鳥○樹○林○悉○皆○念○佛○念○法○洞○於○  
此○有○省○乃○述○偈○曰○也○大○奇○也○大○奇○無○情○說○法○不○思○  
議○若○將○耳○聽○終○難○會○眼○處○聞○時○方○得○知○洞○辭○雲○巖○  
巖○曰○甚○麼○處○去○洞○曰○雖○離○和○尙○未○下○所○止○曰○莫○湖○  
南○去○洞○曰○無○曰○莫○歸○鄉○去○洞○曰○無○曰○蚤○晚○却○回○洞○  
曰○待○和○尙○有○住○處○卽○來○曰○自○此○一○別○難○得○相○見○洞○

曰○難○得○不○相○見○臨○行○又○問○百○年○後○忽○有○人○問○還○貌○  
得○師○真○否○如○何○祇○對○巖○良○父○曰○祇○這○是○洞○沈○吟○巖○  
曰○介○閣○黎○承○當○個○大○事○須○審○細○洞○猶○涉○疑○後○因○過○  
水○睹○影○大○悟○前○旨○有○偈○曰○切○忌○從○他○覓○迢○迢○與○我○  
疎○我○今○獨○自○往○處○處○得○逢○渠○渠○今○正○是○我○我○今○不○  
是○渠○應○須○恁○麼○會○方○得○契○如○如○他○日○因○供○養○雲○巖○  
真○次○僧○問○先○師○道○祇○這○是○莫○便○是○否○洞○曰○是○曰○意○  
旨○如○何○洞○曰○當○時○幾○錯○會○先○師○意○曰○未○審○先○師○還○  
知○有○也○無○洞○曰○若○不○知○有○爭○解○恁○麼○道○若○知○有○爭○

肯恁麼道。唐大中末。洞於新豐山。接誘後學。厥後  
盛化。豫章高安之洞山。權開五位。善接三根。又得  
曹山深明的旨。道合君臣。偏正回互。由是洞上玄  
風播于天下。諸方宗匠咸共尊之。曰曹洞。  
聖楷曰。按曹洞五位之說。有正位。有正中。偏有正  
中。來有兼中。至有兼中到偏正。上下回互而不得  
犯中。中卽正位也。得其旨趣者。謂之挾妙。亦謂之  
末後句。此等虛玄提唱。真是毒水。禍人不小。得大  
慧一番呵斥。甚快人心。

道吾宗智

藥山法嗣

潭州道吾山宗智禪師。豫章海昏張氏子。幼依樂和。尚受教。登戒預藥山法會。密契心印。一日有施主。施褌山。提起示衆曰。法身還具四大也。無有人道得與他。一腰褌。師曰。性地非空空。非性地。此是地大。三大亦然。山曰。與汝一腰褌。馮山問師。甚麼處去來。師曰。看病來。馮曰。有幾人病。師曰。有病底。有不病底。馮曰。不病底。莫是智頭陀否。師曰。病與不病。總不干他事。連道連道。馮曰。道得也。與他沒交涉。唐太和九年九

月示疾有苦僧衆慰問體候師曰有受非憤予知之乎衆皆愀然越十日將行謂衆曰吾當西遊理無東移言訖告寂聞維得露骨數片建塔道吾後雷遷于石霜山

聖楷按道吾山在長沙瀏陽縣北十五里山列七十二峯東連寶蓋西接洞庭又名蓮花峯崖溜高百餘仞徑路四十四山內有龍湫元歐陽玄詩道吾山頭白龍臥壘障層岡深紫邏龍人夜望北斗魁上有哭兀青蓮座

高沙彌

藥山法嗣

澧州高沙彌初參藥山。山問甚處來。師曰南嶽來。山曰何處去。師曰江陵受戒去。山曰受戒圖甚麼。師曰圖免生死。山曰有一人不受戒亦無生死。可免汝還知否。師曰恁麼則。佛戒何用。山曰這沙彌猶挂唇齒在。師禮拜而退。道吾來侍立。山曰適來有箇跛脚沙彌。却有些子氣息。吾曰未可全信。更須勘過。始得至晚。山上堂召曰。螢來。沙彌在甚麼處。師出衆立。山問我聞長安甚鬧。你還知否。師曰我國晏然。山曰汝從

看經得請益得師曰不從看經得亦不從請益得山  
曰大有人不看經不請益爲甚麼不得師曰不道他  
不得祇是不肯承當山顧道吾雲巖曰不信道師一  
日辭藥山山問甚麼處去師曰某甲在衆有妨且往  
路邊卓個草菴接待往來茶湯去山曰生死事大何  
不受戒去師曰知是般事便休更喚甚麼作戒山曰  
汝既如是不得離吾左右時復要與不相見師便菴  
後一日歸來值雨山曰你來也師曰是山曰可煞濕  
師曰不打這鼓笛雲巖曰皮也無打甚麼鼓道吾曰

鼓也。無打甚麼皮。山曰。今日大好一場曲調。  
聖楷曰。香嚴擊竹悟道。爲之助喜。妙喜拈曰。  
馮山晚年好。則劇教得這一棚肉傀儡。直是可愛。  
且作麼生。是可愛處。面面相看。手脚動爭。知語話。  
在他。人。今觀高沙彌在藥山。不避風雨。翻出一會。  
鼓笛。便成千年絕調。不知馮山肉傀儡。亦傳得此。  
譜否。試請定中迦葉登場演看。



龍潭崇信

天皇法嗣

澧州龍潭崇信禪師。渚宮人也。其家賣餅。師少而英異。初悟和尙。爲露鑒。潛請居天皇寺。人莫之測。師家於寺巷。嘗日以十餅饋之。天皇受之。每食畢。嘗留一餅曰。吾惠汝。以蔭子孫。師一日自念曰。餅是我持去。何以逐遺我耶。其別有旨乎。遂造而問焉。皇曰。是汝持來復汝。何咎。師聞之。頗曉玄旨。因投出家。皇曰。汝昔崇福善。今信吾言。可名崇信。由是服勤左右。一日問曰。某自到來。不蒙指示。心要。皇曰。汝擎茶來。吾爲

汝接汝行食來。吾爲汝受。汝和南時。吾便低首。何處  
不指示。心要師低頭良久。皇曰。見則直下。便見。擬思  
卽差。師當下開解。復問如何。保任。皇曰。任性逍遙。隨  
緣放曠。但盡凡心。別無聖解。師後詣潯陽龍潭。栖止  
僧問。馨中珠誰人得。師曰。不實。玩者得。曰。安著何處。  
師曰。有處。卽道來。有尼問。如何得爲僧去。師曰。作尼  
來多少時也。曰。還有爲僧時也。無。師曰。汝卽今是甚  
麼。曰。現是尼身。何得不識。師曰。誰識。汝李翱刺史問  
如何。是真如般若。師曰。我無真如般若。李曰。幸遇和

尙師曰此猶是分外之言

聖指按龍潭寺在澧州城北一里前有焚經臺卽  
周金剛焚青龍疏抄處寺面大溪水道甚遠韋公  
安曰昔德山參訪龍潭一滅燭而大事了畢後來  
一棒蓋天蓋地皆從此中流出觀古人授受之際  
妙處如石女兒如石羊駒豈得草草匆匆有露骨  
者不妨見鞭影而行其或未然請竭一生之力忘  
食忘寢微細研求或可通其一線久參者未可直  
指爲格外消息恬然不復問也

石室善道

長髭法師

潭州石室善道和尚嗣攸縣長髭贍禪師作沙彌時  
長髭遣令受戒謂之曰汝起日須到石頭禮拜師受  
戒後迴參石頭一日隨石頭遊山次石頭曰汝與我  
斫卻面前頭樹子礙我師曰不將刀來石頭乃抽刀  
倒與師師云不過那頭來石頭曰你用那頭作什麼  
師即大悟便歸尋值沙汰乃作行者居于石室每見  
僧便豎起杖子云三世諸佛盡由這個對者少得  
契長沙聞之乃云我若見即令放下杖子別通個道

息三聖將此語到石室。祇對被師認破。是長沙語。春  
山問三聖失機。又親到石室。師見。杏山僧衆相隨。潛  
往碓米。杏山曰。行者不易。貧道難消。師曰。無心。枕手  
盛將來。無縫合盤托取去。說什麼難消。杏山便休。佛  
山問佛之與道。相去幾何。師曰。道如展手。佛似握拳。  
曰。畢竟如何。的當可信。可依。師以手撥空。三兩下。曰。  
無恁麼事。無恁麼事。曰。還假看教否。師曰。三乘十二  
分教。是分外之事。若與他作對。卽是心境。而法能歸  
雙行。便有種種見解。亦是狂慧。未足爲道。若不與他。

作對一事也。無所以祖師云。本來無一物。汝不見小兒出胎時。可道我解看教。不解看教。當恁麼時。亦不知有佛性。義無佛性。義及至長大。便學種種。知解出來。便道我能解。不知是客塵煩惱。十六行中。嬰兒行爲最多。和和時。喻學道之人。離分別。取捨心。故贊歎嬰兒。何況取之。若謂嬰兒是道。今時錯會師一夕。與仰山翫月。仰山問曰。這個月。尖時圓。相什麼處去。圓時尖。相又什麼處去。師曰。尖時圓。相隱。圓時尖。相在雲巖云。尖時圓。相在圓時。無尖相。道吾云。尖時

亦不尖、圓、時亦不圓。

聖楷按、潞山、豁洞山、此去醴陵攸縣、石室相連、有雲巖道人、今其地俱無所考。

德山宣鑒

龍潭法嗣

鼎○州○德○山○宣○鑒○禪○師○簡○州○周○氏○子○昨○歲○出○家○依○年○受○  
具○精○究○律○藏○於○性○相○諸○經○貫○通○音○趣○嘗○講○金○剛○般○若○  
時○謂○之○周○金○剛○嘗○謂○同○學○曰○一○毛○吞○海○海○性○無○虧○纖○  
芥○投○鋒○鋒○利○不○動○學○與○無○學○唯○我○知○焉○後○聞○南○方○禪○  
學○頗○盛○師○氣○不○平○乃○曰○出○家○兒○千○劫○學○佛○威○儀○萬○劫○  
學○佛○細○行○不○得○成○佛○南○方○魔○子○敢○言○直○指○人○心○見○性○  
成○佛○我○常○撲○其○窟○穴○滅○其○種○類○以○報○佛○恩○遂○擔○青○龍○  
疏○鈔○出○蜀○至○澧○陽○路○上○見○一○婆○子○賣○餅○因○息○肩○買○餅○



點心婆指擔曰：「這個是甚麼文字？」師曰：「青龍疏鈔。」婆曰：「講何經？」師曰：「金剛經。」婆曰：「我有一問，你若答得，施與點心；若答不得，且別處去。」金剛經道：「過去心不可得，現在心不可得，未來心不可得。」未審上座點那個心？師無語，遂往龍潭。至法堂，曰：「久嚮龍潭。」及乎到來，潭又不見，龍又不現。潭引身曰：「子親到龍潭。」師無語，遂棲止焉。一夕侍立，次潭曰：「更深，何不下去？」師珍重，便出。却回曰：「外面黑。」潭點紙燭，度與師。師擬接，潭復吹滅。師於此大悟，便禮拜。潭曰：「子見個甚麼？」師曰：「從

今向去更不疑天下老和尚舌頭也。至來日龍潭陞座。謂衆曰。可中有個漢。不如劒。櫛口似血盆。一棒打不回頭。他時向孤峯頂上立。吾道去在師。將疏鈔堆法堂前。舉火炬曰。竊諸玄辨。若一毫置于太虛。竭世樞機。似一滴投於巨壑。遂焚之。於是禮辭直抵潯山。挾複子上法堂。從西過東。從東過西。顧視方丈曰。有麼。有麼。山坐次殊不顧盼。師曰。無。無。便出至門首。乃曰。雖然如此也。不得草草。遂具威儀。再入相見。纔跨門。提起坐具曰。和尚山擬取拂子。師便喝。拂袖而出。

馮山至晚問首座今日新到在否座曰當時曾却法  
堂著草鞋出去也山曰此子已後向孤峯頂上盤結  
草菴阿佛罵祖去在師住潯陽三十年屬唐武宗廢  
教避難於獨浮山之石室大中初武陵太守河東薛  
廷望再崇德山精舍迎師居之相國裴公休書額名  
古德禪院師自茲大闢宗風上堂若也於已無事則  
勿妄求妄求而得亦非得也汝但無事於心無心於  
事則虛而靈空而妙若毛端許言之本末者皆爲自  
欺何故毫釐繫念三塗業因暫爾情生萬劫羈鎖聖

名凡號盡是虛聲殊相劣形皆爲幻色汝欲求之得  
無累乎及其厭之又成大患終而無益龍牙問學人  
從鎮鄒劍擬取師頭時如何師引頸近前曰因牙曰  
頭落也師呵呵大笑牙後到洞山舉前話山曰德山  
道甚麼牙曰德山無語洞曰莫道無語且將德山落  
底頭呈似老僧看牙方省便懺謝有僧舉似師師曰  
洞山老人不識好惡這漢死來多少時放得有甚麼  
用處雪峯問從上宗乘學人還有分也無師打一棒  
曰道甚麼曰不會至明日請益師曰我宗無語句實

無一法與人。峯因此有省。巖頭聞之曰：「德山老人一條春梁骨硬似鐵，拗不折。然雖如此，於唱教門中猶較些子。」示衆曰：「道得也，三十棒；道不得也，三十棒。」臨濟聞得，謂洛浦曰：「汝去問他，道得爲甚麼也？三十棒；待伊打汝，接住棒送一送，看伊作麼生。」浦如教而往。師便打浦，接住送一送。師便歸方丈。浦回舉似臨濟。濟曰：「我從來疑著這漢，雖然如是，你還識德山麼？」浦擬議。濟便打。師因疾，僧問：「還有不病者也無？」師曰：「有。」曰：「如何是不病者？」師曰：「阿哪阿哪。」師復告衆曰：「捫空。」

追響勞汝心神夢覺覺非竟有何事言訖安坐而化  
卽唐咸通六年十二月三日也謚見性禪師

朗州德山塔銘曰沼萍之根泡電之存虛空之捫  
岸水之痕木人可言吾道可論去鷲之蹤太極邊  
中香入其風電入其空幻化之功吾道可宗非作  
之作龜毛兔角天邊月落池中水涸青猿不捉吾  
道之學登陸之櫓乘舟之圓瞑目之覩晴天之雨  
石牛之乳吾道之祖陸地之蓮水底青天鏤水出  
煙掘火出泉虛無之邊吾道可傳鑿山之峽層煙

之塔。水石。欹磴。法雲。四閣。萬古千秋。松風蕭颯。  
按此塔銘。乃唐大順元年。沙門元會撰。

石霜山麼諸

道吾法嗣

潭州石霜山麼諸禪師廬陵新淦陳氏子依洪井西山紹鑾禪師落髮詣洛下學毗尼教雖知聽制終爲漸宗回抵潯山爲耒頭一日篩米次潯曰施主物莫拋散師曰不拋撒潯於地上拾得一粒曰汝道不拋撒這箇是甚麼師無對潯又曰莫輕這一粒百千粒盡從這一粒生師曰百千粒從這一粒生耒審這一粒從甚麼處生潯呵呵大笑歸方丈潯至晚上堂曰大衆米裡有蟲諸人好看後叅道吾問如何是觸目



菩提○吾○喚○沙○彌○彌○應○諾○吾○曰○添○淨○瓶○水○著○良○久○却○問○  
師○汝○適○來○問○甚○麼○師○擬○舉○吾○便○起○去○師○於○此○有○省○吾○  
將○順○世○垂○語○曰○我○心○中○有○一○物○久○而○爲○患○誰○能○爲○我○  
除○之○師○曰○心○物○俱○非○除○之○益○患○吾○曰○賢○哉○賢○哉○師○後○  
避○世○混○俗○于○長○沙○瀏○陽○陶○家○坊○朝○遊○夕○處○人○莫○能○識○  
後○因○僧○自○洞○山○來○師○問○和○尙○有○何○言○句○示○徒○曰○解○夏○  
上○堂○云○秋○初○夏○末○兄○弟○或○東○去○西○去○直○須○向○萬○里○無○  
寸○草○處○去○良○久○曰○祇○如○萬○里○無○寸○草○處○作○麼○生○去○師○  
曰○有○人○下○語○否○曰○無○師○曰○何○不○道○出○門○便○是○草○僧○回○

舉似洞山山曰此是一千五百人善知識語因茲囊  
錫始露果熟香飄衆命住持後裴相公來師拈起裴  
笏問在天子手中爲珪在官人手中爲笏在老僧手  
中且道喚作甚麼裴無對師乃留下笏師居石霜山  
二十年間學衆有長坐不臥吃茗株杌天下謂之枯  
木衆也唐僖宗聞師道譽賜紫衣師堅辭不受光啓  
四年示疾告寂葬于院之西北隅謚普會大師  
聖楷按石霜山在潭州瀏陽縣西北八十里又名  
霜華山南接醴陵北抵洞陽山峻水激觸石噴霜

故名嗟乎法道勝時石霜道吾俱爲選佛之場  
昔溪一滴雲郵相望乃今則荒榛風冷五葉飄  
零誰復有問西躋者哉

清平令遵

翠微無學法嗣

鄂州清平山令遵禪師，東平人也。姓王氏，少依本州北菩提寺。唐咸通六年，落髮後詣滑州開元寺受具。攻律學，一旦謂同流曰：「夫沙門應決徹生先。」玄通佛理，若乃孜孜卷軸，役役拘文，悉數海沙，徒勞片心，遂罷所業。遠參禪會，至江陵白馬寺，堂中遇一老宿，名曰慧勤。師親近，詢請。勤曰：「吾久侍丹霞，今既垂老，倦於提誘，汝可往謁翠微。彼卽吾同參也。」師禮辭而去。造于翠微之堂，問如何是西來的的意。翠微曰：「待無。」

人卽向汝說師良久曰無人也請師說翠微下禪  
引師入竹園師又曰無人也請和尚說翠微指竹曰  
這竿得恁麼長那竿得恁麼短師雖領其微言猶未  
徹其玄旨文德元年抵上蔡會州將重法創大通禪  
苑請闡宗要師自舉初見翠微語句謂衆曰先師入  
泥入水爲我自是我不識好惡師自此化導將十稔  
至光化中領徒百餘遊鄂州從節度使杜洪請居清  
平山安樂院上堂曰諸上座夫出家人須會佛意始  
得若未會佛意直饒頭上出水足下出火燒身鍊臂

聰慧多辯。聚徒一千二百。說法如雲。如雨。講得天華。亂墜。只成個邪說。爭競是非。去佛法大遠。在諸人幸。值色身安健。不值諸難。何妨近前著些工夫。體取佛意。好時有僧問。如何是大乘。師曰。麻索曰。如何是小乘。師曰。錢貫問。如何是清平家風。師曰。一斗麴作三個饅餅。問。如何是禪。師曰。胡孫上樹尾連顛。問。如何是有漏。師曰。篾籬曰。如何是無漏。師曰。木杓問。靚面相呈時。如何。師曰。分付與典座。自餘逗機。方便。靡徇時情。逆順。卷舒。語超格量。天祐十六年正月二十五。

日午時寢寂壽七十有五周顯德六年勅謚法喜禪師塔曰善應

聖楷按清平山在江夏縣東南五里楚志云其山清秀平坦故名

夾山善會

船子法嗣

澧州夾山善會禪師廣州廖氏子幼歲出家依年受戒聽習經論該練三學出任潤州鶴林因道舌勸發往見船子由是師資道契微朕不留恭稟遺命近世忘機尋以學者交湊廬室星布曉夕參依咸通庚寅海衆卜於夾山遂成院宇上堂頌云勞持生死法唯向佛邊求目前迷正理撥火覓浮漚僧問從上立祖意教意和尚爲甚麼言無師曰三年不喫飯目前無饑人曰既是無饑人某甲爲甚麼不悟師曰祇爲悟



迷却。闍黎復示偈曰：明明無悟法，悟法却迷人。長舒兩脚，睡無偽，亦無真。問：撥塵見佛時如何？師曰：直須揮劍。若不揮劍，漁父棲巢。僧後問：石霜撥塵見佛時如何？霜曰：渠無國土，甚處逢渠？僧回舉似師。師上堂舉了，乃曰：門庭施設，不如老僧入理。深談猶較石霜百步。師再開玄樞，追下一紀。唐中和元年十一月七日，召主事曰：吾與衆僧，話道累歲，佛法深旨，各應自知。吾今幻質時盡，卽去汝等，保護如吾在日，勿得雷同。世人輒生惆悵，言訖奄然而逝。塔于本山，謚傳明。

大師

聖楷按華亭船子德誠禪師節操高邁度量不羣  
自印心于藥山與道吾雲巖爲同道交泊離藥山  
乃謂二同志曰公等應各據一方建立藥山宗旨  
子率性踈野唯好山水樂情自遣無所能也他後  
知我所止之處若遇霸利座主指一人來或堪離  
琢將授生平所以報先師之恩遂分攜至秀州  
華亭泛一小舟隨緣度日以接四方往來之者時  
人莫知其高蹈因號船子和尙道吾後到京口遇

夾山上堂僧問如何是法身山曰法身無相曰如  
何是法眼山曰法眼無瑕道吾不覺失笑山便下  
座請問道吾某甲適來祇對這僧話必有不是致  
令上座失笑望上座不吝慈悲吾曰和尚一等是  
出世未有師在山曰某甲甚處不是望爲說破吾  
曰某甲終不說請和尚却往華亭船子處去山曰  
此人如何吾曰此人上無片瓦下無卓錫和尚若  
去須易服而往山乃散衆束裝直造華亭船子纔  
見便問大德住甚麼寺山曰寺卽不住住卽不似

師曰不似似個甚麼山曰不是目前法師曰甚處  
學得來山曰非耳目之所到師曰一句合頭語萬  
劫繫驢橛師又問垂絲千尺意在深潭離釣三寸  
子何不道山擬開口被師一橈打落水中山纔上  
船師又曰道道山擬開口師又打山豁然大悟乃  
點頭三下師曰竿頭絲線從君弄不犯清波意自  
殊山遂問拋綸擲釣師意如何師曰絲懸淥水浮  
定有無之意山曰語帶玄而無路舌頭談而不談  
師曰釣盡江波金鱗始遇山乃掩耳師曰如是如

是遂囑曰汝向去直須藏身處沒踪跡沒踪跡處  
莫藏身吾三十年在藥山祇明斯事汝今已得他  
後莫住城隍裏落但向深山裏鑽頭邊覓取一個  
半個接續無令斷絕山乃辭行頻頻回顧師遂喚  
闍黎山乃回首師監起橈子曰汝將謂別有乃覆  
船入水而逝

董太史其昌曰澄鑒寺在中泖唐船子和尙載月  
釣魚處也近仲醇修葺之余爲題其門曰蒹葭蒼  
蒼白露爲霜其幽勝可知矣

巖頭全齋

德山法嗣

鄂州巖頭全齋禪師泉州柯氏子少禮青原諡公落髮往長安寶壽寺稟戒習經律諸部優游禪苑與雲峯欽山爲友自杭州大慈山遷迤造于臨濟屬濟躋寂乃謁仰山纔入門提起坐具曰和尚仰山取拂子擬舉師曰不妨好手後參德山執坐具上法堂瞻視山曰作麼師便喝山曰老僧過在甚麼處師曰兩重公案乃下器堂山曰這個阿師稍似個行脚人至來日上問訊山曰闍黎是昨日新到否曰是山曰甚麼

處學得這處頭來。師曰：全。齋。終。不。自。謾。山曰：他後不  
得。孤。貧。老。僧。一。日。參。德。山。方。跨。門。便。問。是。凡。是。聖。山  
便。喝。師。禮。拜。有。人。舉。似。洞。山。山曰：若。不。是。齋。公。大。難  
承。常。師曰：洞。山。老。人。不。識。好。惡。錯。下。名。言。我。當。時。一  
手。擡。一。手。搦。雲。峯。在。德。山。作。飯。頭。一。日。飯。遲。德。山。擎  
鉢。下。法。堂。舉。曬。飯。巾。次。見。德。山。乃。曰：鐘。未。鳴。鼓。未。響。  
拓。鉢。向。甚。麼。處。去。德。山。便。歸。方。丈。峯。舉。似。師。師曰：大  
小。德。山。未。會。末。後。句。在。山。間。令。侍。者。喚。師。去。問。汝。不  
肯。老。僧。那。師。密。啓。其。意。山。乃。休。明。日。陞。堂。果。與。舉。常。

不同師至僧堂前拊掌大笑曰且喜堂頭老漢會末  
後句他後天下人不奈伊何雖然也祇得三年活果  
示滅後一日師與雲峯同辭德山山問甚麼處去師  
曰甃辭和尚下山去曰子他後作麼生師曰不○忘○曰  
子憑何有此說師曰豈不聞智過於師方堪傳受智  
與師齊戒師半德曰如是如是當善護持二士禮拜  
而退師住鄂州巖頭值沙汰於湖邊作渡子兩岸各  
挂一板有人過渡打板一下師曰阿誰或曰要過那  
邊去師乃舞棹迎之師後菴于洞庭臥龍山徒侶臻



萃師與羅山卜塔基。羅山中路忽曰：和尚師回顧曰：作麼山舉手指曰：這裡好片地。師咄曰：瓜州賣瓜漢。又行數里，坎次山禮拜問曰：和尚豈不是三十年前在洞山而不肯洞山麼？曰：是。又曰：和尚豈不是嗣德山又不肯德山麼？師曰：是。山曰：不肯德山卽不問。祇如洞山有何虧闕？師良久曰：洞山好佛，祇是無光山禮拜邈後人。或問佛問法問道問禪者，師皆作嗟聲。師嘗謂衆曰：老漢去時大吼一聲了去。唐光啓之後，中原盜起，衆皆避地。師端居晏如也。一日賊大至，責

以無供饋遂傳刀焉師神色自若大叫一聲而終聲聞數十里卽光啓三年丁未四月八日也門人後焚之獲舍利四十九粒謚清嚴禪師

聖楷按雲峯初與巖頭至澧州麓山鎮阻雲頭每  
日祇是打睡峯一向坐禪一日喚曰師兄師兄且  
起來頭曰作甚麼師曰今生不著便共文遠個漢  
行脚到處被他帶累今日到此又祇管打睡頭喝  
曰噯眠去每日牀上坐恰似七村里土地他時後  
日魔魅人家男女去在峯自點胸曰我這裡未穩

在不敢自謾頭曰我將謂你他日向孤峯頂上盤  
結草菴播揚大教猶作這個語話峯曰我實未穩  
在頭曰你若實如此據你見處一一通來是處與  
你證明不是處與你剗却峯曰我初到鹽官見上  
堂舉色空義得個入處頭曰此去三十年切忌舉  
著又見洞山過水偈曰切忌從他覓迢迢與我疎  
渠今正是我我今不是渠頭曰若與麼自救也未  
徹在峯又曰後問德山從上宗乘中事學人還有  
分也無德山打一棒曰道甚麼我當時如桶底脫

相似頭喝曰你不聞道從門人者不是家珍峯曰  
他後如何卽是頭曰他後若欲播揚大教一一從  
自己胸襟流出將來與我蓋天蓋地去峯於言下  
大悟便作禮起連聲叫曰師兄今日始是鼇山成  
道峯住後法席之盛嘗不減千五衆  
王荊公嘗問張文定孔子去世百年生孟子亞聖  
自後絕無人何也文定言豈無只有過孔子上者  
公問是誰文定言江南馬大師汾陽無業禪師雪  
峯巖頭丹霞雲門是也公斲問意甚不解乃問何

謂文定曰。儒門淡薄。脫却衲子。不佞昔聞釋氏。耳荆公欣然歎服。後舉似張天覺。天覺撫几歎以爲佳。